

Headline **Moral hijau dunia**
 Date **10. Jun 2009**
 Media Title **Kosmo**
 Section **Kosmo 2**
 Circulation **108796**
 Readership **406000**

Language **MALAY**
 Page No **32,33**
 Article Size **1287 cm2**
 Frequency **Daily**
 Color **Full Color**
 AdValue **11194.70**



TAYANGAN film *Home* di Paris, Perancis.

Oleh **SUBASHINI RAJANDRA**
 subashini.rajandra@kosmo.com.my

SEAWAL tahun 1972, Hari Persekitaran Dunia (WED) dianjurkan bagi meningkatkan kesedaran umat manusia terhadap satu-satunya planet di ruang angkasa yang memiliki keupayaan untuk menampung hidupan.

Ia ditubuhkan oleh Perhimpunan Agung Pertubuhan Bangsa-Bangsa Bersatu (PBB) bagi menghargai alam semula jadi yang menjadi milik semua termasuk generasi akan datang.

Bersesuaian dengan sambutan Hari Persekitaran Dunia yang jatuh pada 5 Jun lalu, Setiausaha Agung PBB, Ban Ki-moon, menjelaskan keruntuhan ekonomi dunia dan pemanasan global yang semakin melampau di kebanyakan negara adalah satu amaran agar pembaharuan diinisiatifkan dengan segera. Co-

rak perkembangan ini diharap dapat menuju ke arah sebuah era globalisasi hijau sejajar dengan pembangunan alam sekitar yang bersih.

Tema pada tahun ini, *Planet Anda Memerlukan Anda*, diperjuangkan agar setiap orang mampu mencetuskan inspirasi kepada mereka yang berada di sekeliling sambil membantu Bumi menghadapi detik masa yang paling cemas dalam hayatnya.

Walaupun semua orang akan menderita, mereka yang miskin adalah golongan yang dihipit dengan kesengsaraan yang teruk.

— BAN KI-MOON

“Dunia kini memerlukan agar satu perundingan hijau yang berfokus pada pelaburan sumber tenaga baru yang boleh dikitar semula, infrastruktur mesra ekologi dan penggunaan sumber tenaga yang lebih efisien dapat diadakan.”

“Jika kita menyalurkan sebahagian daripada pelaburan ke dalam pakej rangsangan ekonomi hijau, kita mampu mengubah krisis yang dihadapi sekarang kepada perkembangan yang nuspun untuk hari kemudian,” jelasnya.

Seperti kata-katanya, kebanyakan negara dan individu mengambil pendekatan sendiri bagi menunjukkan sokongan masing-masing. Bagi seorang kanak-kanak berusia 12 tahun dari California, Amerika Syarikat, penyempitan beliau



SEORANG kanak-kanak mandi di sebatang sungai yang tercemar di Indonesia.

Moral hijau dunia

Tema Planet Anda Memerlukan Anda, pada sambutan Hari Persekitaran Dunia 2009 menerima sokongan masyarakat sejagat.



PENGUNAAN panel solar dapat memberi sumber tenaga baru yang boleh dikitar semula.



PRESIDEN Indonesia, Susilo Bambang Yudhoyono (tengah) menyertai acara berbasikal di Jakarta.



TENGKORAK seekor kerbau yang mati akibat kemarau di Kenya.

melalui teknik seni lukis melayakan dirinya memenangi Program Pertandingan Mewarna Kanak-kanak, anjuran Program Atarabangsa Persekitaran PBB.

Alice Wang melukis sebatang termometer yang dipegang oleh tiga tangan dengan dua daripadanya menandakan tangan yang baik dengan corak panel solar, bunga mahuri, turbin angin, berusung polar dan penguat Semantara angin ketiga adalah unsur negatif yang mengilirkan toksin berbahaya dariapak kilang, kereta dan sebagainya.

Di negara Jepun pula, pengeluar automobil terbesar, Mitsubishi Motors (MMC) menampilkan produksi kenderaan elektrik (EV) dalam kuantiti yang besar di ibu pejabatnya di Tokyo pada hari sambutan Hari Persekitaran Sedunia. “iMEV” adalah sebuah kereta untuk empat orang penumpang dengan saiznya yang kompak, boleh mencapai kelajuan 180 kilometer.

Menariknya, kereta itu tidak menggunakan petrol atau diesel untuk bergerak, sebaliknya boleh dicas semula dari mana-mana sumber elektrik di rumah atau di stesen khas. Meskipun hanya akan berada di pasaran sekitar Julai nanti, “iMEV” adalah rakan yang boleh membawa perubahan besar jika dipraktikkan secara meluas.

Di Paris, Perancis pula, jurugambar Yann Arthus-Bertrand menayangkan film *Home* yang dihasilkan mengenai ineq Bumi dari ruang udara. Ia juga disiarkan secara serentak di lebih 100 buah negara lain pada 5 Jun lalu. Di peringkat politik pula, ramai pemimpin negara menunjukkan sikap moral yang tinggi supaya menjadi ikutan penduduk.

Misalnya, Presiden Indonesia, Susilo Bambang Yudhoyono dan isterinya turut terlibat dalam program berbasikal di Jakarta pada hujung minggu lalu bersama ribuan rakyat.

Di tanah air, FRIM atau Institut Penyelidikan Perhutanan Malaysia telah mengadakan program *Go Green & Live Green*. Dengan sambutan yang memberangsangkan, selebriti tersohor seperti Datuk Siti Nurhaliza dan keluarganya turut “turun padang” bagi menanam pokok dan mengikuti aktiviti yang diadakan.



ORANG ramai menyambut Hari Persekitaran Dunia di Sydney, Australia.



KERETA “iMEV” yang mesra alam dari Jepun.